

UGOVOR

o nabavci kancelarijskog namještaja

zaključen između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa mr.sc. Fuad Ohranović, direktor (u daljem tekstu: kupac)

i

R&S, Vogošća, ul. Igmanska bb, Vogošća, kojeg zastupa Kemal Selmanagić, direktor (u daljem tekstu: prodavac)

I OPĆE ODREDBE

Član 1.

Ovim ugovorom je regulisan predmet ugovora, prava i obaveze ugovornih strana, način plaćanja, važnost ugovora.

II PREDMET UGOVORA

Član 2.

Predmet Ugovora je kupoprodaja kancelarijskog namještaja za koju je proveden postupak direktnog sporazuma, čija vrijednost ne prelazi iznos od 4.000,00 KM bez uračunatog PDV-a do kraja 2020.godine.

III CIJENA, USLOVI IZVRŠENJA I DRUGI USLOVI

Član 3.

Prodavac je dostavio ponudu, broj 33756-20, 15.12.2020. godine koja odgovara uslovima iz tenderske dokumentacije, na osnovu koje je prodavac izabran da izvrši nabavku robe koja je predmet ovog ugovora.

Ugovorena cijena ponude bez PDV-a iznosi 3.740,00 KM, odnosno 4.375,80 KM sa uračunatim PDV-om.

Ponuda prodavca je sastavni dio ovog ugovora.

Član 4.

Prodavac će za kupca isporučiti robu kako je i navedeno u specifikaciji, odnosno obrascu za cijenu ponude – aneks 2.

Član 5.

Ugovorne strane su saglasne da je prodavac izvršio svoju obavezu kada preda kupcu robu koja je predmet ovog ugovora u skladu sa članom 2. ovog ugovora.

Član 6.

Prodavac će robu isporučiti u sjedište kupca do 31.12.2020. godine.

Ugovorne strane su saglasne da se prijem robe izvrši zapisnički putem Komisije koju sačinjavaju predstavnici svake ugovorne strane.

Član 7.

Zapisnik iz člana 6. ovog ugovora je osnov za plaćanje ugovorene cijene.

Član 8.

Ukoliko se nakon prijema robe od strane kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, kupac je dužan o tom nedostatku bez odlaganja obavijestiti prodavca.

Ako kupac ne obavijesti prodavca o skrivenom nedostatku u roku od 30 dana od dana kada je uočio nedostatak nema pravo na reklamaciju.

Član 9.

Ukoliko se od strane zajedničke Komisije utvrdi da roba koju je prodavac isporučio ima nedostatke u kvalitetu ili očigledne greške, ugovorne strane su saglasne da ih prodavac otkloni u roku od 30 dana od dana sačinjavanja zapisnika o reklamaciji, a ako to ne učini u ugovornom roku, prodavac je dužan robu koja se reklamira zamjeniti novom robom koja ima jednake ili iste karakteristike.

Član 10.

Prodavac se obavezuje da osigura servisiranje robe koja je predmet ovog ugovora u garantnom roku.

IV USLOVI PLAĆANJA

Član 11.

Nakon prijema robe kupac će izvršiti isplatu ugovorene cijene po ispostavljenoj fakturi u roku od 30 dana na transakcijski račun prodavca, broj 1401010024114039 koji je otvoren kod Sberbank u Sarajevu.

V- VAŽNOST I TRAJANJE UGOVORA

Član 12.

Ugovorne strane su se sporazumjele da se nabavka koja je predmet ovog ugovora izvrši do kraja 2020. godine.

Član 13.

Ugovor je punovažan nakon potpisivanja obje strane. Promjene uslova ovog ugovora mogu biti izvršene samo u pismenoj formi.

VI - PRELAZNE I ZAVRŠNE ODREDBE

Član 14.

Za sve odnose i institute koji nisu utvrđeni ovim ugovorom, a proisteknu prilikom njegove primjene, koristiće se odgovarajuće odredbe Zakona o obligacionim odnosima.

Član 15.

Eventualni sporovi rješavat će se međusobnim dogovorom ugovornih strana.
Ukoliko se nastali spor ne bude mogao okončati mirnim putem nadležan je Općinski sud u Sarajevu.

Član 16.

Svi elementi ovog Ugovora spadaju u poslovnu tajnu i ovaj princip treba da poštuju obje strane.

Član 12.

Ovaj ugovor sačinjen je u četiri istovjetna primjerka od koji svaka od ugovornih strana zadržava po dva primjerka.

PRODAVAC



KUPAC



Broj: 671/2020
Sarajevo, 24.12.2020.

Broj: 02-2320-8/20
Sarajevo, 16.12.2020.godina